



17. Feb. 2012

Inatsisartut suleriaasianni § 37, immikkoortoq 1 naapertorlugu matumuuna imaattumik Naalakkersuisunut apeqquteqarpugut:

**Apeqqut:**

**Apeqqut: Immap naqqani sajupillatsitsisarnerup kingunerisaanik aalisakkat tammakartarnersut ilisimaneqarpa? Maniitsup avataani sajupillatsitsisarnernik ingerlatitsiniartoqarpap, qaqugu tamanna pissava aammalu tusarniaasoqarsimanerluni?**

(Inatsisartuni ilaasortat, Siverth K. Heilmann, Knud Kristiansen, ATASSUT)

**Tunnngavilersuut:**

Aalisarluarnerup aalisagarpassuaqarneratalu nalaani, suliffissaqartitsiniarnikkut aningaasarsiutaalluarsimanerilu aammali pinngortitap allanngornerata kingunerisaanik, tammakariasaarsinnaaneri eqquinerlussinnaanerilu puujugassaanngitsut ilagaat.

Maniitsup avataani 1986 - 1987-imiluunniit immap naqqani sajupillatsitsisarnerup kingunerisaanik aalisartuniik maluginiarne-qarpoq avataani qeearpassuaqartaraluartoq manna tikillugu tammakarsimanerinek. Taamaattorli kangerluunerusuni ukiuni arlalinngortuni qeeqqat pisaasarneri aningaasarsiutaanerilu tapertaalluarput.

Aalisakkat sinerissatsinni avataanilumi takkusimaaleriartorneri kingumut isumalluarfigineqaqaat, taamaattorli tusagassiuutit aqputigalugit sajupillatsitsisarnerit ingerlateqqinniarneqarneri aamma Maniitsup avataani aalisartunut isumakulutsitsipput.

Taamaattumik ATASSUT-miit paaserusupparput sajupillatsitsisarnerup kingunerisaanik aalisakkat imaanilu piniakkanut qanoq sunniuteqartarneri ilisimaneqarnerisut. Ilanngullugu paaserusunnarpoq Maniitsup avataani sajupillatsitsisarnerit ingerlanniarneqarpata qeqqata kommuune-anut aalisartunulluunniit tusarniaasoqarsimanersoq?

Neriutigalugu akissuteqarnissamut piffissarititaasup iluani akineqarumaarluta.